


HVGONIS GROTH.
DE
ORIGINE GENTIVM
AMERICANARVM
DISSERTATIO.

1642.

THE UNIVERSITY OF CHICAGO
LIBRARY
507 S. EAST 5TH ST.
CHICAGO, ILL. 60605

1401



HVGONIS GROTH

DE ORIGINE GENTIVM AMERICANARVM DISSERTATIO.



IDEO veteres, tum qui terras,
 tum qui res gestas descripse-
 runt, multum in eo posuisse
 operæ, ut aut ex monumentis
 antiquis, si possent, aut, si ea
 deessent, ex fama, aut coniecturis, nos do-
 cerent, vnde venissent qui terras quasque
 primi habitauerant. Sic Dionysius Hali-
 carnassensis, multum prætergressus omnium
 Italorum diligentiam, ex Græcorum mo-
 numentis, ad quæ agcessit & alia argu-
 menta, nobis ostendit vnde origo fuerit
 populis qui primi Italiam tenuere. Sic Sal-
 lustius, qui Africam, Tacitus, qui Britan-
 niam primi insederint, inquirunt diligen-
 ter: ille ex veteri fama, hic partim ex fama,
 partim ex coniecturis, quas suppediabat
 lingua, habitus, mores. Apud Strabonem,
 magni iudicii virum, multæ sunt inquisi-

4
tiones eius generis. Hęc cū ita se habeant,
miratus sum sæpe, quòd ex tot nostri sæ-
culi viris eruditis nemo sollicitè inquisue-
rit, vnde ortum habuerint gentes illæ quæ
ante Hispanorum aduentum illas habita-
runt terras, quas incognitas veteribus, alij
à Vespucio Americam, alij Occidentalem
Indiam appellamus: Eam dico quæ ab O-
ceano Septentrionali, ad Magellanicas
maris fauces longis ac plurimum latis et-
iam spatiis se inter mare Atlanticum, & al-
terum quod Sinas alluit, & aliis Pacificum,
aliis del Zur dicitur, extendit. Ego cū le-
gissem nonnulla scripta Hispanorum, Gal-
lorum, Britannorum, Batauorum, qui in il-
lis fuere oris, putaui me rem facturum non
inutilem, si quæ mihi maximè videntur
probabilia communicarem & nunc viuen-
tibus & posteris: eo animo, vt alios, quibus
per peregrinationes in eo orbe, aut etiam
per libros qui in meas manus non vene-
runt, maior earum rerum contigit notitia,
excitarem ad nostra hæc aut confirmanda,
aut bonis rationibus refellenda. Video
multos esse qui omnes eos populos venisse
putent ex ea Scythia quam Tartariam ma-
gnam nunc vocamus. Argumentum hæc

5
bent quod ad Anianum siue fretum, siue
sinum, (vtrum enim sit nondum constat)
non magnum sit inter Tartariam, Ameri-
camque interuallum. Quod si is sinus sit,
terras esse contiguas, ac ob id facilem
transitum: si sit fretum, id quo magis in-
tratur angustius fieri, ac proinde fauces il-
las, quales sunt Hellesponti, aut in Thra-
cia Bosphori, nullo negotio nauibus po-
tuisse transmitti. Hæc ita summa, vt ita lo-
quar, in cute spectata, speciem veri ha-
bent; introspecta tamen mihi se non per-
suadent. Constat enim in omni America
ante Hispanorum aduentum equos fuisse
nullos. Scythia autem plena semper equis,
& Scythæ ferè omnes equis vehi, & in e-
quis ingentia spatia terrarum conficere,
etiam sanguine equorum, si alia deessent,
in potum verso, soliti. Quod si cohære-
rent America & Tartaria, equi aut fugiti-
ui, aut liberè pascentes, ex Tartaria in A-
mericam olim penetrassent; sicut equos
ex terris Americæ aliis in alias magnis di-
uisas montibus penetrasse constat, His-
panorum relatu, ex quo Hispani equos
illuc aduexere. Si verò perpetuum inter-
cedit fretum, quod magis credo, Tartari

nunquam nauigatores fuere, & si fuissent, non magis transiissent sine equis, aut diu esse sine equis voluissent, quam Galli veteres, qui in Britanniam, aut Hispani qui in Americam transiere. Ego, vt dicam quæ mihi maximè se probant, primum dispec- cam Americæ populos, in eos qui sunt ad Septentrionem, cis isthmum qui est inter Nomen Dei & Panamam, & eos qui ultra id fretum ad Austrum se porrigunt, donec in fretum Magellanicum desinant. Omnes fermè populos qui cis isthmum sunt Panamæ, ex Norvvagia ortos arbitror; his ductus rationibus. Islandiam à Norvvagis habitatam euincunt vtriusque populi monimenta, traditio, lingua, & imperium antiquissimum Norvvagiæ in Islandos. Creduntur autem eò migrasse multi ante annum Christi millesimum, cum adhuc Paganæ religionis esset Norvvagia. Ab Islandia ventum est in Gronlandiam; quam alii insulam putant, alii partem continen- tis Americanæ: ibi quoque eadem lingua, idem iam olim imperium. Vicina ei Fri- slandia de qua exstat commentarius Ze- nonum Venerorum: nisi ea forte pars est aut Islandiæ, aut Gronlandiæ. Huic proxi-

7
ma Estotilandia pars continentis Ameri-
cæ; quam ex Frislandia piscatores adibant,
duobus sæculis priusquam Hispani in no-
uum orbem venire. Hæc omnia nomina
eandem habent definentiam, ex voce re-
gionem denotante lingua Germanorum,
quorum olim pars Norvvagi, vt ex Plinio,
Tacito, imò & ex ipsa lingua, & moribus
apparet. Sic & quæ inde ad fretum Pana-
mæ extenduntur terræ, similis soni habent
nomina: Cimatlan, Coatlan, Guecoslan,
Artlan, Quaxutatlan, Zeiotlan, Icatlan,
Tapatlan, Cinacatlan, Cinantlan, Tenu-
chititlan, Comillan, Metzitlan, Guati-
tlan, Necotitlan, Magitlan, Tvvoxcalti-
tlan, Ocotlan, Atilan, Curcatalan; qui-
bus omnibus in vocibus, Hispanorum
pronunciatio vltimam literam extriuit.
Mexicani & eorum vicini cum eò primùm
venere Hispani, dixerunt se non esse indige-
nas, sed venisse à Septentrione maiores
suos. Quam autem primum post Estoti-
landiam infedere regionem, ea nunc quo-
que originis suæ nomen retinet: dicitur
enim Norimbega quod nihil aliud est
quam Norvvega, sono ab Hispanis emol-
lito, qui pro VV solent B ponere. Et ver-

fus Californiam est populus linguæ eius-
 dem & institutorum cum Mexicano: &
 populus Alauardi, id est, Langobardi.
 Hispani, Mexicam nouam vocant, cum
 verè hæc sit vetus Mexica, vnde in alte-
 ram ventum est ante annos vt aiunt oc-
 tingentos. Accedunt vocabula, quæ mul-
 ta apud illos fuisse Germanica id est Nor-
 vvagica, indicio sunt pauca quæ casu ad
 nostram notitiam peruenere. Teut Deus
 Germaniæ, sic & illis populis: Pagod By-
 god, Deus minor, imaginarius: Guaira
 Vvajer, flabellum. Top-hos capitis teg-
 men; Lamé Lamagnus. Loca ad sita tor-
 rentibus desinunt in Peke pro Beke, quod
 est torrens Germanis. Plura haud dubiè
 reperient qui in ista volent inquirere.
 Non leue originis indicium etiam in mo-
 ribus. Iudices apud illos xii. vt olim apud
 Gothos, aliasque gentes Scandiæ, & apud
 vicinos eorum Saxones, vnde in Angliam
 id venit. Vita olim in venatu, vt de maio-
 ribus suis narrabant Mexicani. Temporis
 putatio per noctes: infantium recens na-
 torum in amne ablutio: alex fides ad li-
 bertatis vsque iacturam: quæ omnia mo-
 ris esse Germaniæ, ex Tacito & Germanis
 scriptoribus

scriptoribus cognoscas. Viris singulis vxores singulæ, exceptis nobilium paucis: quod Germanis tribuit idem Tacitus, ita vt eos hac nota ab aliis barbaris discernat: cùm contrà apud Scythas ab omni ætate vsitatum fuerit plures vni viro esse vxores. Mulieribus, vt Germanicis, vnæ tantum nuptiæ. Tribunalia in Florida ad experimentum altissimi æstus, qualia Cauchos habuisse Plinius nos docet. Animas corporibus superstites ab omni æuo credere; quod Lucanus tribuit populis quos Arctos despicit. Corpore infames grauitè puniti: habes & hoc apud Tacitum de Germanis: quò & illud Quintiliani pertinet in oratione pro Mariano milite qui Tribunum occiderat; *Sanctius apud Oceanum viuitur.* Sellæ singulis & mensæ ad focum: sororum filii hæredes. Corpora fermè nuda, nisi quæ pudor id vetat, aliaque similia, quæ Tacitus de Germanis prodidit, in iis autem de quibus agimus locis reperta constat, Germanicam non Scythicam ostendunt originem. Etiam Diis mactare homines, Germanicum, vnde feritate longius procedente, natus apud quosdam populos mos etiam humana carne vescen-

di. Quod autem modo dixi hos citra isth-
 mum Panamæ populos ferè omnes Nor-
 vvagicæ esse originis non dixi frustra. Nam
 qui Iucatanem & vicina quædam loca te-
 nent, eos alterius esse originis docet re-
 perta apud eos circumcisio. Multi ob id, &
 quòd ex mari seruatos se dicerent, He-
 bræos esse credidere, ex decem scilicet tri-
 bubus in Mediam auctos, inde per Tar-
 tariam progressos, in Americam longo il-
 lo itinere, de quo agi putant quarto libro
 qui Esdræ dicitur. Hæc quanquam ita con-
 gesta, multos possunt in assensum trahere,
 mihi tamen se non probant. Scriptor, Es-
 dræ quarti plenus est inanium somnio-
 rum, ideoque ab omnibus reiectus. Nec
 America est quò ille Hebræos iuisse dicit,
 ipsi non minus illo tempore quàm omni-
 bus aliis incognita; sed regnum quod sibi
 confinxere Iudæi, ultra amnem, vt aiunt,
 Sabbaticum, ad portas Caspias, vnde nul-
 lus vnquam nuntius, nullæ literæ perue-
 nere, quod nec vidit quisquam, nec vide-
 bit vnquam; in hoc tantum repertum à
 Rabbinis nugiuendulis ne promissa de
 mansuro semper regno in semine Dau-
 dis, in Iesu Christo impleta, & adhuc im-

pleri credantur. Neque verum est in Tartaria fuisse Iudæos. Et quæ quidam reperisse ibi se putant tribuum Hebraicarum nomina, vetera sunt Scythica: vt Euthalitæ non Nephtalitæ, & sic cætera; quemadmodum viri eruditi abundè manifestum fecerunt. Iam verò ad Iucatanem, & loca vicina quod attinet, qui eò primùm venire, circumcisionem ibi repertam tradunt, non etiam cæteros Hebraicæ legis ritus, nec literarum eam scripturam quæ à multis temporibus penes Hebræos fuit. Circumcisio autem multò latiùs patet, patuitque semper quàm Iudaismus. Et quòd ortos se dicerent ab hominibus è mari seruatis, non ad mare Rubrum, sed ad memoriam vniuersalis diluuij, cuius apud omnes gentes reperiuntur vestigia, rectè referas. Vide quæ de ea re diximus in Annotatis ad Librum I pro veritate Religionis Christianæ. Rem tetigit Petrus Martyr, cùm dixit non dubitare se quin ex Æthiopia Oceano adiacente nonnulli eò delati sint; quod facile euenire potuit pro-uectis nonnihil ab ora sua piscatoribus, deinde per ventos illos vehementes qui rectà in Americam ferunt, abreptos: Qua-

le quid euenit nautæ illi à quo Columbus
 noui orbis notitiam accepit: & Indis illis
 quos delatos ad Sueuorum littora tradit
 Plinius. Circumcidi autem mos vetus Æ-
 thiopum, vt ante alios testatus est Hero-
 dotus: cuius rei de causis egimus in dictis
 iam Annotatis. Nec qui Æthiopum Chri-
 stiani facti sunt veterem hunc gentis suæ
 morem deseruere: vt Alvarez, & alij nos
 docent. Ab Æthiopibus est pronuntiatio
 literæ quæ Ḥ Hebræo responderet. Non est
 autem vetus ista ex Æthiopia in illas ter-
 ras deducta colonia: sed ab annis, vt ipsi
 dicebant, quingentis. Abyssinorum autem
 eo tempore imperium ad Oceanum per-
 tingebat. Et Christianos fuisse qui illuc
 venere Æthiopas, colligimus ex baptis-
 mo; quem administrabant Iucatanenses
 infantibus post annum tertium, vt Græ-
 ci & Asiatici; vocabantque regeneratio-
 nem; & infantis parentes ad eum piè ce-
 lebrandum parabant se precibus, ieiunio,
 castimonia. Trahit nos eodem celebrata
 in Iucatane vñctio in fronte: peccatorum
 confessio in morbis: honesta sepultura; &
 certa de præmiis pœnisque post hanc vi-
 tam persuasio. Neque verò mirum videri

debet si alia ad Christianismum pertinen-
 tia, lapsu temporum, nullis ibi sacerdoti-
 bus, & populo negligente, interciderint:
 cum idem euenisse videamus in Dioscori-
 de Rubri maris insula, quam nunc Saco-
 toram vocant, vbi de Christianismo, sanè
 vetere, præter baptismum & signum cru-
 cis nihil reliquum reperere qui ibi post
 Paulum Venetum fuerunt. Lingua autem
 quod nec plane Æthiopica, nec plane
 Norvvagica est in illo tractu à Septem-
 trione ad isthmum Panamæ, inde euenis-
 se credo, quod primùm permixti fuerint
 diuersæ originis homines: deinde quòd
 ex iis plurimi sine communi imperio vi-
 xerint Cyclopum more; vt nunc quoque
 fit in Florida; & ante sexcentos annos in
 Mexicana aliisque regionibus factum est:
 cui consequens fuit vt singulæ familiæ
 propria sibi finxerint vocabula. Venio
 nunc ad alteram Americæ partem, quæ
 ab isthmo Panamæ ad fretum vsque Ma-
 gallanicum excurrit. Eos qui prope sunt
 fretum Magallanicum, eodem fuisse cor-
 porum habitu, moribus ac lingua, quo il-
 li qui vltra id fretum sedes habent, omnes
 qui de eo tractu, scripsere, consentiunt:

quare cisfretanos à transfretanis ortos
 credi par est: eoque magis quòd Peruani
 semper dixerint in ea orbis parte homines
 fuisse sui generis extraneos. Illam autem
 orbis partem quæ transfretum est, & quæ
 inde longo tractu partim continuis terris,
 partim modicis fretis intercurrentibus,
 sub nouæ Guineæ nomine, ad vsque Gilolo,
 Iauæ, & aliarum Indici Oceani insularum
 conspectum se porrigit, australem
 dictam in Tabulis, non aliunde quàm ab
 ipsa Iaua, aut Gilolo habitatores veteres
 accepisse, credibile est. At Peruanorum
 ingenia multò elegantiora, iustique ac
 magni imperii capacia, aliam testantur
 originem: quæ, si quid video, non aliunde
 quàm à Sinensibus, paris elegantia, parisque
 imperij gente. Confirmant id re-
 pertæ ad oram Pacifici maris reliquæ na-
 uigiorum Sinensium, vt Hispani tradide-
 re. Nec mirum si multum nauigatu exer-
 citos Sinenses, in terras vno mari diuisas
 aut quærendi curiositas, aut magnus hu-
 mani generis propagator casus, perulerit.
 Solis cultus apud Peruanos fuit ante His-
 panorum aduentum: Idem ab omni æuo
 præcipuus apud Sinenses: Et quomodo

rex Sinensium filium se dicit Solis; sic & Inchæ Peruani Imperij reges se dixere. Scriptura Peruanis non per literas, sed per rerum notas, idque à summo chartæ adimum, vt in Sinis. Sinensem quoque Mancacapacum fuisse arbitror, qui cum esset admirandi vir & ingenij & animi, ac comperisset suæ gentis homines transmare bonas obtinere terras, sed nullo comuni imperio regi, eò se transtulit, dispersos in corpus collegit, principatumque sibi ac posteris suis ad imperij Sinensis instar constituit. Quòd verò neque prope fretum Indorum Asiaticorum lingua, neque in Peruano tractu Sinensis lingua, mansit integra, eius rei causas easdem fuisse arbitror, quas de mutatione linguarum cis Isthmum Panamæ iam modo attuli. Hæc sunt quæ de Americanarum gentium origine, partim ex traditione, partim ex coniectura colligere potui: quibus si quis habeat certiora, fruar lucro permutationis, & pro eo lucro reddam gratias.

30284
Lundagard
December 10

Handwritten text in a cursive script, likely a letter or document. The text is written in a dark ink on aged, slightly yellowed paper. The script is dense and fills most of the page, with some lines appearing to be part of a list or a series of short paragraphs. The handwriting is characteristic of the early modern period, possibly from the 16th or 17th century. The text is mostly illegible due to the fading and the angle of the page, but some words and phrases can be discerned, such as "Lundagard" and "December 10".